

სსიპ - ბათუმის ხელოვნების სახელმწიფო უნივერსიტეტი
აკადემიური ხატვის სკოლა-სტუდია „ფერადი სამყარო“

ურთიერთთანამშრომლობის მემორანდუმი

ქ. ბათუმი

12.12.2024

უმაღლესი განათლების სფეროში მიმდინარე რეფორმების ძირითადი პრინციპების, სწავლებისა და პრაქტიკის ინტეგრირების, ერთობლივი ღონისძიებების განხორციელების მიზნით სსიპ-ბათუმის ხელოვნების სახელმწიფო უნივერსიტეტი და აკადემიური ხატვის სკოლა-სტუდია „ფერადი სამყარო“ თანხმდებიან თანამშრომლობაზე.

ურთიერთთანამშრომლობა ხელს შეიწყობს:

- აკადემიური განათლებისათვის აუცილებელი მატერიალურ-ტექნიკური რესურსების ეფექტურად გამოყენებას;
- სტუდენტთა პროფესიული პრაქტიკისათვის ხელშეწყობას;
- ცალკეული მიმართულების საგანმანათლებლო პროგრამების მომზადებაში თანამშრომლობასა და კონსულტაციების გაწევას;
- ერთობლივი პროექტების შემუშავებასა და განხორციელებას.

მუხლი 1

- 1.1 მხარეები აწარმოებენ შეთანხმებულ პოლიტიკას ერთობლივი პროექტების მომზადების, განხორციელებისა და აუცილებელი რესურსების მოზიდვის მიზნით.
- 1.2 მხარეები გაუწევენ ერთმანეთს კონსულტაციებს და თავიანთი უფლებამოსილებისა და კომპეტენციის ფარგლებში განახორციელებენ ერთობლივ სასწავლო სემინარებსა და კურსებს.
- 1.3 მხარეები ურთიერთშეთანხმებით მონაწილეობას მიიღებენ საგანმანათლებლო პროგრამების შემუშავების პროცესში (ინფორმაციის გაცვლა, მეთოდური დახმარება და სხვა) აკადემიური პროგრამების პრაქტიკასთან დაახლოებისა და კომპეტენციების ჩამოყალიბების მიზნით.
- 1.4 აკადემიური ხატვის სკოლა-სტუდია „ფერადი სამყარო“ შესაძლებლობების ფარგლებში უზრუნველყოფს ბათუმის ხელოვნების სახელმწიფო უნივერსიტეტის სტუდენტთა პრაქტიკის გავლას.
- 1.5 სსიპ-ბათუმის ხელოვნების სახელმწიფო უნივერსიტეტი პრაქტიკის დაგეგმვის დროს გაითვალისწინებს:
 - ❖ პრაქტიკის ობიექტში სტუდენტთა ოდენობა არაუმეტეს ათისა (ერთჯერადად) ერთი სემესტრის განმავლობაში;

- ❖ პრაქტიკის ხანგრძლივობა არ უნდა აღემატებოდეს სასწავლო კურსით დადგენილ ვადას;
 - ❖ პრაქტიკის მიზანია სასწავლო პროცესში მიღებული თეორიული ცოდნის განმტკიცება, ახალი კომპეტენციებისა და პრაქტიკული უნარ-ჩვევების გამომუშავება;
 - ❖ პრაქტიკის კონკრეტული ვადები განისაზღვრება მხარეებს შორის მოლაპარაკებით უნივერსიტეტის შესაბამისი წერილობითი მიმართვის საფუძველზე.
- 1.6 აკადემიური ხატვის სკოლა-სტუდია „ფერადი სამყარო“ თავისი უფლებამოსილებისა და შესაძლებლობების ფარგლებში მონაწილეობას მიიღებს შრომის ბაზრისა და სხვა კვლევების პროცესში.


მუხლი 2

- 2.1 წინამდებარე შეთანხმებაში თითოეულ მხარეს შეუძლია ცვლილებებისა და დამატებების შეთავაზება ურთიერთშეთანხმების საფუძველზე.
- 2.2 მხარეთა შორის ურთიერთობათა სპეციფიკა, რომელიც არ არის განსაზღვრული მემორანდუმში, რეგულირდება ორმხრივი შეთანხმებით.
- 2.3 მხარეები აძლევენ ერთმანეთს გარანტიას, რომ ისინი უპირობოდ, სრულად და კეთილსინდისიერად შეასრულებენ წინამდებარე მემორანდუმით გათვალისწინებულ ყველა პირობას.

მუხლი 3

- 3.1 წინამდებარე მემორანდუმის შესრულებასთან დაკავშირებული სადავო საკითხები გადაიჭრება კონსულტაციების და მოლაპარაკების გზით.
- 3.2 ეს მემორანდუმი ძალაში შედის მხარეთა მიერ მისი ხელმოწერის დღიდან და მოქმედებს მხარეთა მიერ რაიმე სხვა გადაწყვეტილების მიღებამდე.
- 3.3 ურთიერთთანამშრომლობის მემორანდუმი შედგენილია თანაბარი იურიდიული ძალის მქონე ორ ეგზემპლარად, რომელთა თითო პირი გადაეცემა მხარეებს.

სსიპ-ბათუმის ხელოვნების
სახელმწიფო უნივერსიტეტი
საიდენტიფიკაციო კოდი 245628496
მისამართი: ბათუმი, ზ. გორგილაძის/
ვაჟა-ფშაველას ქ. N19/ 32
ელ. ფოსტა: info@batu.edu.ge


პროფესორი თეიმურაზ კუჭერაძე, რექტორი

აკადემიური ხატვის სკოლა-სტუდია
„ფერადი სამყარო“
მისამართი: ბათუმი, პუშკინის ქ. N 67. ბ 7
ელ. ფოსტა: alesakagio@mail.ru


მაია გერსამია-ჯორბენაძე, დირექტორი